

АТЫРАУ ОБЛЫСЫНЫҢ
ПРОКУРАТУРАСЫ

АТЫРАУ ҚАЛАСЫНЫҢ
ПРОКУРАТУРАСЫ



ПРОКУРАТУРА АТЫРАУСКОЙ
ОБЛАСТИ

ПРОКУРАТУРА ГОРОДА
АТЫРАУ



060011, Атырау облысы,
Атырау қаласы, Құлманов көшесі, №48
тел/факс: 8(7122) 27 -07-78
www.atr.prokuror.kz

060011, Атырауская область,
город Атырау, улица Кулманова, №48
тел/факс: 8(7122) 27 -07-78
www.atr.prokuror.kz

04.09.2025 № 2-05-25-04338

Атырау қаласының сотына

Атырау қаласы, Қ.Сәтбаев даңғылы 62 «а»,
060000

Арыз беруші:

Атырау қаласы прокурорының м.а.

Атырау қаласы, Б.Құлманов көшесі 48,
060000

Мүдделі тұлғалар:

Қазақстан Республикасы

Ұлттық қауіпсіздік комитеті

Астана қаласы, Сығанақ көшесі 66,
010000

Қазақстан Республикасы

Ішкі істер министрлігі

Астана қаласы, Тәуелсіздік даңғылы 1,
010000

**Бас прокуратураның Құқықтық статистика
және арнайы есеп алу алу комитетінің**

Атырау облысы бойынша департаменті

Атырау қаласы, Б.Құлманов көшесі 48,
060000

Қазақстан Республикасының

Мәдениет және ақпарат министрлігі

Астана қаласы, Мәңгілік Ел даңғылы 8,
Министрліктер үйі, 14-кіреберіс,
010000

А Р Ы З

Қазақстан Республикасының Азаматтық процестік кодексінің 47-тарауының тәртібімен ақпараттық материалдарды экстремистік және/немесе террористік деп тану, сондай-ақ Қазақстан Республикасының аумағына әкелуге, онда басып шығарылуына, әзірленуіне, таратылуына, оның ішінде электрондық бұқаралық ақпарат құралдарында және интернет-ресурстарда тыйым салу туралы

Қазақстан Республикасы Конституциясының 20-бабы 3-тармағының талабына сәйкес Республиканың конституциялық құрылысын күштеп өзгертуді, оның тұтастығын бұзуды, мемлекет қауіпсіздігіне нұқсан келтіруді, соғысты, әлеуметтік,

нәсілдік, ұлттық, діни, тектік-топтық және рулық астамшылықты, сондай-ақ қатыгездік пен зорлық-зомбылыққа бас ұруды насихаттауға немесе үгіттеуге жол берілмейді.

Қазақстан Республикасының «Экстремизмге қарсы іс-қимыл туралы» Заңының 1-бабының 7) тармақшасына сәйкес экстремистік материалдарға экстремистік әрекеттердің белгілерін және (немесе) оны жүзеге асыруға шақыруды қамтитын не оларды жасау қажеттігін негіздейтін немесе ақтайтын кез келген ақпараттық материалдар жатады.

Аталған баптың 5) тармақшасына сәйкес экстремистік мақсаттағы әрекеттер жасауға жария түрде шақыруды, экстремистік ұйымдардың нышандарын насихаттауды, үгіттеуді және көпшілікке жария көрсетуді қоса алғанда, осындай әрекеттерді тікелей іске асыру экстремистік іс-әрекеттер болып табылады.

Осы Заңының 12-бабына сәйкес Қазақстан Республикасының аумағында байланыс желілері мен құралдарын экстремизмді жүзеге асыру үшін пайдалануға, сондай-ақ экстремистік материалдарды әкелуге, басып шығаруға, әзірлеуге және (немесе) таратуға тыйым салынады.

Қазақстан Республикасының «Терроризмге қарсы іс-қимыл туралы» Заңының (бұдан әрі – Заң) 1-бабының 14-1) тармақшасына сай терроризм актісін жасау тәсілдері мен құралдары туралы ақпаратты, сондай-ақ террористік іс-әрекет белгілерін және (немесе) оны жүзеге асыруға шақыруды қамтитын не осындай іс-әрекетті жүзеге асыру қажеттілігін негіздейтін немесе ақтайтын кез келген ақпараттық материалдар болып табылады.

Аталған баптың 18) тармақшасында терроризм идеяларын насихаттау, террористік материалдарды тарату, оның ішінде бұқаралық ақпарат құралдарын немесе телекоммуникация желілерін пайдалана отырып тарату, террористерді азғырып тарту әрекеттерін жасау террористік іс-әрекетке жататындығы көрсетілген.

Заңның 3-бабының 2-тармағына сәйкес Қазақстан Республикасында терроризмге қарсы іс-қимылдың мақсаты жеке адамды, қоғамды және мемлекетті терроризмнен қорғау болып табылады.

Сонымен қатар Заңның 10-бабы 1-тармағының 1) тармақшасына сәйкес Қазақстан Республикасының аумағында терроризмді насихаттауға тыйым салынады.

Заңның 10-4-бабының 1-тармағына сәйкес Қазақстан Республикасының аумағына террористік материалдарды әкелуге, оларды басып шығаруға, әзірлеуге және (немесе) таратуға тыйым салынады.

«Қазақстан Республикасының ұлттық қауіпсіздігі туралы» Қазақстан Республикасы Заңының 6-бабының 1-тармағының 8) тармақшасына сәйкес ұлттық қауіпсіздікке негізгі қауіп-қатерлерге кез келген нысандардағы және көріністердегі терроризм мен экстремизм жатады.

Аталған Заңның 23-бабы 6-тармағының 1) тармақшасында мазмұны ұлттық қауіпсіздікке нұқсан келтіретін шетелдік бұқаралық ақпарат құралының баспа өнімі мен өнімін Қазақстан Республикасының аумағында таратуға тыйым салынады.

С.К. Камариденов пен Н.К. Космуханбетов Қазақстан Республикасының аумағында тыйым салынған «Ат-такфир Уаль-хиджра» халықаралық экстремистік ұйымының идеологиясын жақтап «Telegram» мессенджеріндегі «Серый» атты аккаунты арқылы таныстарына терроризмді насихаттайтын: 1) «Куфр дуна куфр.docx» атты «Егер біз шешімді тек Алла ғана қабылдайтынын түсінсек және оған

қосымша немесе онымен бірге шешім қабылдайтын адам-бұл куфр....» сөздерімен басталып, «...Исламды алып тастамайтын судьяның осы ережесіне қатысты» сөздерімен аяқталатын сөйлемдері бар; 2) «Куфр дуна куфр2.docx» атты «Бұл бөлімде мутазилит пен хариджит...» сөздерімен басталып, «...жахилат заңдарына жүгінуге тыйым салады» сөздерімен аяқталатын сөйлемдері бар; 3) «Выборы это куфр и ширк/Комментарии к словам мальчика-шейх Абду-Зохир Доьи» атты «Говорит тахут, которому мы проявить неверие...» сөздерімен басталып, «...и в шариате шайтана и колдунов говорят тахуд» сөздерімен аяқталатын сөйлемдері бар; 4) «10 пунктов.docx» атты «Сказал Мухаммад ибн 'Абдуль-Уаххаб, рахимахуллах...» сөздерімен басталып, «...из-за него были посланы пророки и ниспосланы писания, и из-за него был узаконен джихад» сөздерімен аяқталатын сөйлемдері бар; 5) «принцип Уаля.doc» атты «Это послание – урок всем мусульманам...» сөздерімен басталып, «...для тех кто не может увидит причину куфра тех кто проявляет уаля мушрикам» сөздерімен аяқталатын сөйлемдері бар; 6) «Принцип Уаля.docx» атты «Слова Всевышнего: «О те, которые уверовали!...» сөздерімен басталып, «...кто дозволил запретное тот кяфир» сөздерімен аяқталатын сөйлемдері бар; 7) «3 даруль.doc» атты «О тех, кто принял Ислам дарул куфре...» сөздерімен басталып, «...которые скрывали свой иман, и не могли совершить хиджру!» сөздерімен аяқталатын сөйлемдері бар бейне және файл түріндегі ақпараттық материалдарды таратқандығы анықталған.

03.11.2023 жылғы №224 және 21.02.2024 жылғы №8 кешенді сот психологиялық-филологиялық және сот дінтанушылық сараптамасының қорытындысына сәйкес зерттеуге ұсынылған объектілердің мәтіндері «Ат-такфир Уаль-хиджра» ұйымына жатады және аталған материалдардың мағынасында діни уәждер бойынша «жиһад» жасау, бір діни топтың басқасына қарсы діни араздықтың идеялары, діни алауыздықты қоздыру, діни негіздер бойынша терроризмді және экстремизмді насихаттауға бағытталған белгілер бар.

25.06.2024 жылғы Атырау қаласының №2 сотының үкімімен С.К. Камариденов пен Н.К. Космуханбетов ҚК-тің 174-бабының 1-бөлігімен, 256-бабының 2-бөлігімен, 405-бабының 1-бөлігімен кінәлі деп танылып, 7 жыл мерзімге бас бостандығынан айыру жазасы тағайындалған (үкім заңды күшіне енді).

Жоғарыда көрсетілген ақпараттық материалдар Қазақстан Республикасы Бас прокуратурасының Құқықтық статистика және арнайы есепке алу жөніндегі комитетінің сайтында орналастырылған Қазақстан Республикасының соттары террористік немесе экстремистік деп таныған және Қазақстан Республикасының аумағына әкелуге, шығаруға және таратуға тыйым салынған ақпараттық материалдар тізімінде жоқ.

Қазақстан Республикасының Азаматтық процестік кодексінің (бұдан әрі - Кодекс) 376-бабына сәйкес Қазақстан Республикасының аумағына әкелінетін, онда басып шығарылатын, әзірленетін және (немесе) таратылатын ақпараттық материалдарды экстремистік немесе террористік деп тану туралы арызды прокурор осындай талаптарды мәлімдеген прокурордың орналасқан жері бойынша немесе осындай материалдар табылған жер бойынша сотқа береді.

Осыған ұқсас нормалар Қазақстан Республикасының «Терроризмге қарсы іс-қимыл туралы» (10-4-бап) және «Экстремизмге қарсы іс-қимыл туралы» (12-бап) заңдарында көрсетілген.

Кодекстің 54-бабының 3-бөлігіне сәйкес прокурор адамдардың, қоғамның және мемлекеттің, егер бұл адамдардың өмірі, денсаулығы не Қазақстан Республикасының қауіпсіздігі үшін орны толмас салдарларды болғызбау үшін қажет болса, бұзылған құқықтарын қалпына келтіру және мүдделерін қорғау үшін заңнамаға сәйкес сотқа талап қоюмен, арызбен жүгінуге құқылы.

Қазақстан Республикасының «Салық және бюджетке төленетін басқа да міндетті төлемдер туралы (Салық кодексі)» кодексінің 616-бабының 16-тармағына сәйкес прокуратура органдары барлық талап қоюлар бойынша соттарда мемлекеттік баж төлеуден босатылған.

Жоғарыдағылардың негізінде Кодекстің 243-бабының 8) тармақшасын және 376-378-баптарын, сондай-ақ «Прокуратура туралы» Қазақстан Республикасының Конституциялық заңының 39-бабын басшылыққа ала отырып,

СҰРАЙМЫН:

1. 1) «Куфр дуна куфр.docx» атты «Егер біз шешімді тек Алла ғана қабылдайтынын түсінсек және оған қосымша немесе онымен бірге шешім қабылдайтын адам-бұл куфр...» сөздерімен басталып, «...Исламды алып тастамайтын судьяның осы ережесіне қатысты» сөздерімен аяқталатын сөйлемдері бар; **2) «Выборы это куфр и ширк/Комментарии к словам мальчика-шейх Абду-Зохир Доъи»** атты «Говорит тахут, которому мы проявить неверие...» сөздерімен басталып, «...и в шариате шайтана и колдунов говорят тахуд» сөздерімен аяқталатын сөйлемдері бар материалдарды **экстремистік деп тануды** және **3) «Куфр дуна куфр2.docx»** атты «Бұл бөлімде мутазилит пен хариджит...» сөздерімен басталып, «...жахилят заңдарына жүгінуге тыйым салады» сөздерімен аяқталатын сөйлемдері бар; **4) «10 пунктов.docx»** атты «Сказал Мухаммад ибн ‘Абдуль-Уаххаб, рахимахуллах...» сөздерімен басталып, «...из-за него были посланы пророки и ниспосланы писания, и из-за него был узаконен джихад» сөздерімен аяқталатын сөйлемдері бар; **5) «принцип Уаля.doc»** атты «Это послание – урок всем мусульманам...» сөздерімен басталып, «...для тех кто не может увидит причину куфра тех кто проявляет уаля мушрикам» сөздерімен аяқталатын сөйлемдері бар; **6) «Принцип Уаля.docx»** атты ««Слова Всевышнего: «О те, которые уверовали!...» сөздерімен басталып, «...кто дозволил запретное тот кяфир» сөздерімен аяқталатын сөйлемдері бар; **7) «3 даруль.doc»** атты «О тех, кто принял Ислам дарул куфре...» сөздерімен басталып, «...которые скрывали свой иман, и не могли совершить хиджру!» сөздерімен аяқталатын сөйлемдері бар бейне және файл түріндегі ақпараттық материалдарды **террористік деп тануды** олардың Қазақстан Республикасының аумағында қолданылуын, онда басып шығарылуына, әзірленуіне және (немесе) таратылуына, оның ішінде онлайн-платформаларда (әлеуметтік желілерде, мессенджерлер мен бейнехостингтерде), масс-медиааларда, телекоммуникация желілерінде, сондай-ақ ақпараттық материалдар арқылы **таратылуына тыйым салуды.**

2. Сот шешімін дереу орындауға жіберуді.

3. Жоғарыда көрсетілген ақпараттық материалдарды Қазақстан Республикасының аумағына әкелуге, онда басып шығаруға, әзірлеуге және (немесе) таратылуына тыйым салу туралы сот шешімінің орындалуын Қазақстан Республикасының Мәдениет және ақпарат министрлігіне, Қазақстан Республикасының Ішкі істер министрлігіне және Қазақстан Республикасы Ұлттық қауіпсіздік комитетіне жүктеуді.

4. Арыздың қаралу күні туралы Атырау қаласының прокуратурасына хабарлауды.

Қосымша:

1. С.К. Камариденов пен Н.К. Космуханбетов қатысты Атырау қаласы №2 сотының 25.06.2024 жылғы үкімінің көшірмесі 40 парақта, мемлекеттік тілде;

2. 03.11.2023ж. №224 және 21.02.2024ж. №8 санды кешенді сот психологиялық-филологиялық және сот-дінтанушылық сараптама 160 парақта, мемлекеттік және орыс тілде.

3. Анықтама 1 парақта, міндетін уақытша атқаруды жүктеу туралы бұйрық 1 парақта, мемлекеттік тілде.

Атырау қаласы прокурорының м.а.

Е. Какиев